

原輯南嶽志

地7327
5489.2
1-18

康山樓書

王香余題簽

民國十二年歲
癸未西曆五月

序

粵稽上古循蜚疏仡之代封泰山禪梁甫凡七十二家勒石千八百餘處維南有衡並峙為五計必有車轍馬跡焉炎維荒遠遐哉弗可攷矣軒昊氏作乃命赫胥居南重黎司火正祝融氏為司徒越在伊祁姚姒五載一巡狩著在典謨有虞氏有寶露之賜夏后氏得金簡玉字之書箕乎尙已周初泰伯虞仲采藥茲山穆王周行天下亦有西臺之蹟降及秦皇由西南渡淮水之衡山浮江至湘山祠大風不得渡於是怒伐湘山樹赭其山暴君之轍靈嶽蓋堅拒焉漢武以濤霍本衡山之副嶽山道遠徙祭於廬江之濤山繆矣魏晉六朝禋祀復古惟北周上宇分裂望祀於天門山至隋

南嶽志

卷一

序

復其故唐宋元明典禮加敕

聖清膺期懷柔震疊逢 國大慶 遣使祭告

歷朝宸題光倬雲漢烏虜可謂盛矣攷地志家紀南嶽自舜典禹貢周禮職方氏爾雅山海經外南嶽宗測唐徐靈期並有衡山記唐道士李沖昭有南嶽小錄宋李莘有南嶽記錢景衍有南嶽勝概張隱有南嶽要錄僧文政有南嶽勝遊錄道家有南嶽證勝錄於是陳田夫合之為總勝集皆宋人也書多不傳其軼時見於他說今列入 四庫者惟李沖昭之小錄暨明彭簪之衡嶽志耳

國初王船山先生蒐微洗邈作蓮峯志五卷表章朱張二子方廣之遊為茲峯獨闢生面其自序謂海 南鄧雲霄修全志所屬非人

山之有專志實始南北朝及唐蓋多出道流棲真者之所爲宋明以後踵爲之益多衡山志代有專書而訖無傳於世豈果南方僻陋無與張而大之固疑其文猶有未厭人心者也當順治初元船山王氏纂輯蓮峯志爲衡山之一峯其事典則其文雅馴凡歷二百二十年威毅伯曾公業行王氏遺書其書始顯又二十年次青衡山志成盡攬七十二峯之勝而其體例猶受成船山蓮峯志載朱張祠嘉會堂船山經營成之蓮峯志之作猶以朱張二先生也次青亦經營廟殿以成此志蓋自船山發其端而次青總其成此豈爲無因而偶合者鄙道元水經注自謂山水有靈亦驚知己次青爲功衡山尤大而若衡之爲山晦於秦顯於南宋而大昌於今

南嶽志

序

二

日世運之變遷人文之升降若隱繫於其中豈惟茲山之靈異沛然伸於知己屢飫乎吾楚而甄貺無窮亦將有資於來葉也時

光緒九年歲次癸未秋七月湘陰郭嵩壽謹序

重脩南嶽志序

往讀爾雅釋山首列九山而後乃云霍山爲南嶽茫然莫喻其義道家因有黃帝省方建瀋霍爲南嶽之說及讀宏農太守爾雅序稱其書興於中古隆於漢氏始悟武帝元封五年登瀋天柱山命曰南嶽因增益爾雅之文以實其義又更易河南華河西嶽二語使與五嶽參差推溯其由來自楚考烈王徙都壽春仍名之郢乃移衡山之名於六移九江之名於壽春是以秦時名禹貢衡山曰湘山而名瀋霍山曰衡山蓋襲楚之舊名也武帝承之徑名瀋霍爲南嶽此足證爾雅傳承誤之由歷漢至宋且千年用事泰山嵩華地近亦加禮焉獨衡山晦於周秦之交五百餘年訖唐正名

南嶽志

序

五嶽終以道阻南服登封之典曠遠不能及山之蘊蓄沈蒙鬱塞之久猶有待而弗彰迨夫南宋之世祭告之禮獨隆於南嶽領祠祿者數十百人則其時五嶽都爲異域惟衡山存耳山靈之顯晦各以其時而自唐宋以來高人隱逸及仕宦之遷謫者登臨慨歎著於歌詠於衡爲盛將非其山阻曠閔深重峯疊嶂有足資羈人之惋喟發思古之幽情者與自頃同治十二年衡山廟殿燬於火粵六年爲光緒五年元度由平江謁嶽柳任脩復之功往返經營又三年告成乃歷覽其名勝古蹟研考方志與人文物產之麗於茲山者重輯南嶽志編次爲十四類釐爲二十六卷體大而物博例嚴而辭雅衡山扶輿磅礴之蓄積以有待者至是盡洩其奇夫

文不馴雅而安城劉陽宛陵周怡別編翰墨志亦徇時蹊厥論偉矣惜王氏勵志一峯使作全志豈讓五丁巨手哉光緒五年元度約同志重葺廟殿求山志閱之則乾隆癸酉曠岫嘍太史重修本也版既漫漶又距今百二十有七年應蒐補者匪一端不揆狂簡乃竊取王氏之義法剴古切今撰志二十六卷綜三十餘萬言藏之名山以存文獻烏虜古今旦暮耳自有宇宙便有茲山嶽之壽與天地無終極其有志也亦與嶽無終極前有千古後有萬年然則蒐討舊聞兼詳時制以俟後之君子抑生其時與其地者之責也敢條舉其目如左

星氣之書多櫟禩祥嶽承朱鳥寶應壽昌觀日有臺合符區宇有南嶽志

卷一

序

晷有度不差彙彙志星度第一

五嶽真形傳自抱朴白阜有圖案邱可讀峯七十二橫絕朱方袖中咫尺萬象在旁志圖說第二

文明間氣天南獨鍾蜿蟺磅礴最遠爲宗禹橈疊經探奇莫竟見智見仁各領其勝志形勝第三

紫府仙都朱陵寶殿赫赫明明永綏炎甸帝者之制端居九重別有崇祠惟德是宗志祠廟第四

嶽峙南荒不辱封禪柴望殿懸巡方有典三公視秩特溯權輿尊王晉帝其禮絕殊志祀典第五

神嶽開天赫胥祝融虞巡覲后夏陟警洪李韓張朱光於唐宋霽

雪開雲前獻是綜志前獻第六

靈源奧區仙佛所宅羣真往來羽人古德緇黃萬眾繼者其誰清
修克厲乃與世遺志仙釋第七

文定隱衡講學有院麓山石鼓迪邦之彥高山仰止顏以集賢誰
其嗣之白沙甘泉志書院第八

蓬萊赤城羣仙所都祇園鷲嶺尊者攸居維茲嶽靈煙雲供養紺
宇琳宮其高百丈志寺觀第九

我生之初萬億斯年鴻荒幻惑傳聞邈焉不見古人乃思古蹟登
高望遠盼睽無極志古蹟第十

嶽雲五色實孕仙芝壽藤錦石紛綸葳蕤萬歲之松千齡之竹靈
南嶽志

卷一

序

三

藥扶衰我尋黃獨志物產第十一

峒嶺峯巔字青石赤金簡玉書莫尋禹蹟摩崖紀游磐石競刊惜
哉漁仲未遑遍觀志金石第十二

地志山經臚於乙部矧茲靈嶽跡存神禹唐徐靈期泉李冲昭後
有作者嗣響雲璈志藝文第十三

夷堅諸舉紀自虞初述異搜神瑰奇誦觚維此洞天窟宅幽阻爰
撫緒餘以資談助志雜識第十四

南嶽志卷一

平江李元度原輯衡山

王香余校刊
歐陽謙



星度

星土職自保章氏有分土卽有分星然經星盡乎天度而中國不盡地球以十二國配周天之經星理不可曉地志家多疑之第南嶽宿當軫翼度應璣衡爲衡山所自名而星經亦有玉衡主荊州之說又衡嶽舊隸長沙郡軫旁一星曰長沙主壽長子孫昌故衡山稱壽嶽然則就衡紀星實不與他地志等也抑凡晷以測景度以測極二者合符近世法益加密衡嶽爲大江以南十數行省之主山上與南極相維繫元代

南嶽志

卷一

星度

嘗遣官測日影於此祝融峯頂觀日之臺在焉志衡者安得遺之茲故約舉其要合之爲星度志云

周禮保章氏以星土辨九州之地封域皆有分星鄭注鶉尾楚也開元占經宋鳥七宿以軫爲尾故曰鶉尾

史記天官書軫爲車主風其旁有一小星曰長沙星正義曰長沙一星在軫中主壽命明則主長壽子孫昌

周禮職方氏南嶽之鎮曰衡注以其分當軫翼光輔紫宸上列謹生之宿下符長育之功稱物平施故謂之衡

春秋元命苞軫星散爲荊州分爲楚國荆之爲首強也陽盛物墜其氣急悍也

春秋文曜鈞蒙山以東至南江會稽震澤徐揚之州屬權星大別以東至雲澤九江荊州屬衡星

春秋感精符帝堯為翼之精星在南方

費直周易起張十三度至軫七度為鶉尾荊州分

蔡邕月令章句起張十二度至軫六度謂之鶉尾

唐書天文志星紀鶉尾以負南海其神主於衡山熒惑位焉又曰鶉尾初張十五度終軫九度自房陵白帝而東盡漢之南郡江夏東達廬江南郡濱彭湖之西得長沙武陵又逾南紀盡鬱林鶴浦之地自三湘上流西達黔安之左皆全楚之分

星經黃帝占曰軫者以候王者壽命故置長沙一星以延期

南嶽志

卷一

星度

二

又南宮赤帝其精朱鳥為七宿井首鬼目柳喙星頸張喙翼翻軫尾司夏司火司南嶽

又北斗玉衡星主荊州常以五卯日候之乙卯為南陽己卯為零陵辛卯為桂陽癸卯為長沙丁卯為武陵

廣雅荆屬衡星

唐書地理志軫四星其中次小者長沙而長沙入軫十六度今考湘鄉屬古零陵餘州縣十有一北抵岳州之巴陵臨湘平江南表之衡陽衡山鄱縣安仁迤而西南得寶慶之邵陽新化皆古長沙地為軫之終度焉

張衡天象賦爰周軫翼厥土惟荆長沙明而獻壽車轄朗而陳兵

荆州記南嶽衡山朱陵之靈臺太虛之寶洞上承軫宿銓德鈞物故名衡山下踞離宮攝位火鄉故名南嶽

太平寰宇記宿當翼軫度應璣衡故曰衡山

天元歷理汝鄧以南荆湘衡廣袁韶以西當屬大火實祝融之正位也

明史天文志長沙府軫旁小星曰長沙應其地衡州府桂陽州永州府道州岳州常德二府澧州辰州府沅州靖郴二州寶慶府武岡州皆翼軫分

翼軫日躔攷

月令孟秋之月日在翼

南嶽志

卷一

星度

三

三統歷七月中日在翼十五度八月節日在軫十二度

元嘉歷七月中日在翼十度八月節日在翼十七度八月中日在軫十五度

唐月令仲秋之月日在翼中氣日在軫

翼軫中星攷

月令孟夏之月昏翼中仲冬之月旦軫中

三統歷三月中昏翼四度中四月節昏軫四度中十月節旦翼初度中十月中軫五度中

元嘉歷四月節昏翼十度中四月中昏軫十度中十月旦翼八度中十一月節旦軫八度中

唐月令孟夏之月昏翼中孟冬之月中氣曉翼中仲冬之月旦軫中

明史天文志穀雨昏翼偏東七度立夏昏軫偏東五度大雪旦翼中

以上星野

周禮天司徒以土圭之法測土深正日景以求地中日南則景短多暑日北則景長多寒日東則景夕多風日西則景朝多陰凡建邦國以土圭正其地而制其域

又日至之景尺有五寸謂之地中

鄭注土圭長尺有五寸以夏至之日立八尺之表其景適與土

南嶽志

卷一

星度

四

圭等謂之地中今潁川陽城地爲然故四方皆自陽城推算之唐會要開元十二年遣太史監南宮說詣朗州武陵測日影北極高二十九度五分

唐書天文志比歲武陵晷夏至七寸七分冬至長五寸三分春秋二分四尺三寸七分半自陽城至武陵千八百二十六里七十六步夏至差七寸三分冬至差二尺一寸八分

元世祖本紀至元十六年三月敕太史郭守敬由上都大都歷河南揚州抵南嶽測驗晷景

元史天文志衡嶽北極出地二十五度夏至日在表端無景晝五十六刻夜四十四刻

案元史天文志有四海測而湖南僅及衡嶽蓋以嶽鎮爲準望舉一以見其槩猶唐書之僅及朗州也

今法推算衡嶽北極出地二十七度一十五分照京師中線偏西三度五十二分偏里六百八十里推得各節氣太陽出入晝夜永短時刻分秒列後

冬至日	出卯正三刻六分三十八秒
小寒日	出卯正三刻六分三十八秒
大雪日	出卯正三刻六分三十八秒
大寒日	出卯正三刻六分三十八秒
小雪日	出卯正三刻六分三十八秒
立春日	出卯正二刻四分四十五秒
雨水日	出卯正一刻九分
霜降日	入酉初二刻六分

南嶽志

卷一

星度

五

驚蟄日	出卯正初刻十二分十四秒
寒露日	入酉初三刻二分四十六秒
春分日	出卯正初刻
清明日	出卯正初刻二分四十六秒
白露日	入酉正初刻二分四十六秒
穀雨日	出卯正初刻二分四十六秒
處暑日	入酉正一刻九分
立秋日	出卯正一刻四分十五秒
小滿日	出卯正一刻四分十五秒
大暑日	入酉正二刻四分十五秒
芒種日	出卯正二刻四分十五秒
小暑日	入酉正三刻二分四十二秒
夏至日	出卯正三刻二分四十二秒

案測晷之法土圭置槩著在周官其在詩曰既景迺岡謂考日影以正四方也揆之以日謂樹八尺之臬度日出入之影以定

東西又參日中之影以正南北也後世史家言測日不言實測之數唐開元中始詔太史躬詣方州測影至元世祖詔太史郭守敬赴衡嶽測驗晷影此尤南嶽掌故也況觀日臺高峙祝融峯頂其可數典而忘耶考古人分封先測景而後正域近世兼測北極則其法益詳蓋晷以測影度以測極影有長短極有高低日漸南故南境影略短漸北則漸長矣極在北故北境望若高漸南則漸低矣數百里差一寸數十里當差一分此其略也凡測極之法必以北極高度爲準六十秒爲一分六十分爲一度周天三百六十度地處天中其體渾圓亦與天度相應中國赤道之北北極常見南極常隱北行二百五十里則北極高

南嶽志

卷一

星度

六

一度南極低一度南行二百五十里則南極高一度北極低一度北極高度卽南北里差也東西偏度卽東西里差也南北經度易測東西緯度難知經度測二極之低昂緯度測月食之早晚今參用中西法以子午弦線爲準謂之中線凡偏東偏西里數皆由中線推之盡天地所訖上繫周天度數纖悉合符較前史天文各志其推測尤爲精密云

以上晷度

南嶽志卷二

圖說

平江李元度原輯衡山王香余校刊
歐陽謙

地志古稱圖經炎帝白阜圖地形其來古矣周官土訓掌道地
圖職方氏掌天下之圖大司徒以地圖周知地域廣輪之數而
晉裴秀作禹貢十八圖創分率準望之法至為精核嶽志祖述
禹貢者也故圖尤要焉今作七十二峯圖一嶽廟圖一各有說
以繫之五嶽真形圖道家所重也今附焉

案七十二峯圖嶽廟圖均多缺略此次自應修正圖說另詳
續集內今所存者五嶽原圖也民國癸亥年記

南嶽志

卷二

圖說

東岳泰山



中岳嵩山



西岳華山



南岳衡山



北岳恒山




廟 早 回

續修南嶽志

卷一

廟圖



嶽

山


圖

續修南嶽志

卷一


廟圖

二



里人文子源續

嶽麓峯



朱張渡

牛頭洲

水陸洲



猴子石

長沙省

